

საქმის მიხედვით

წიხუ წიხუთა. ზეყუდგოყუდნ სიძ.

# მწყმმსი



მე ვარ მწყემსი კეთილი: მწყემსმან კეთილმან სული თვისი დაჰსდგის ცხოვართათვის. (იოან. 10—11).  
ვაოვე ცხოვარი ჩემი წარწყმედული. ესრეთ იყოს სიხარული ცათა შინა, ერთისათვის ცოდვილისა. (ლუკ. 15—4).  
მოველით ჩემდა ყოველნი მასურაღნი და ტვირთ-მამიშენი და მე განგისვენო თქვენ. (მათ. 11—28).

№ 10

1883—1895

15—30 მაისს.

თბილისის თავად-ასწანურთა საბანკო კრების გამო.

ყველას გვეგონია, ეათომ ჩენი საზოგადოება შეგნებასა და თავის გზის გაკვლევაში წალმართან და საუკეთესო გზას ადგია. ასე ეფიქრობთ, ეთომ დაეშარდით იმ სანას, როდესაც მრავალი შეცდომა, წინდაუხედაობა, ოსტატობა და თვალთმაქცობა წარამარა ტყერებოდა საზოგადოების ეითარებაში. მაგრამ, სამწუხაროდ, ასეთი ფიქრი ეხლანდელი დროის შესახებ მხოლოდ ოცნება იქნება და დაწინაურების ნაცელად სულ სხვას ეხედავთ.

ჯერაც თურმე დიდი მანძილი დაგვრჩენია იმ სანე-ტარო მიჯნავდე მისასვლელად, რომ ყოველგვ ჩენი ავან-ჩაენი სახეებით გექონდეს ვათვალისწინე-ბული და ყოველგვარი შინაური თუ გარეგანი მოე-ლენა კაოვად გექონდეს აწონ-დაწონილი და მსჯავრ-დადებული. მაგრამ წინად თუ ასეთი გზა-ვაუგნებ-ლობა ადელი წარმოსადგენი იყო, რადგანაც სხვა და სხვა ნაირი უცხოელთა სიხარბე მუდამ აწიოკებდა ჩვენს ქვეყანას და მით ფრთას აკვეცდა ბევრ საკე-თილო მისწრაფებას, —ამისათვის ისე დასაძრახი არ ვიქნებოდით რასაკვირველია, —მაგრამ ეხლა, როდესაც მრავლად გვეყავს არამც თუ საშუალოდ, არამედ უმაღ-ლესად ნასწავლებიცი კი, რა გვემართება, რომ სულ უბრალო კვმზარიტება, სულ უბრალო გამოცანა



ვერ გამოგვირკვევია და ვერ შეგვიტყვია!..

რა გვემართება, რომ ადელი და ძალიან მარტივი გამოსარკვევი საქმეები უშველებლად გაგვიზვიადებია და გაგვიჭიანურებია, და მთელ ჩენს ძალღონეს ტყუილ უბრალოდ გამოუსადეგრად და გამოუზოგებლად ეხარჯავთ. რას უნდა მივაწეროთ ის თვალთმაქცობა, რომ ზოგიერთ ეაქბატონებს საზოგადო შესაკრებელი ადგილი თავის ღირსებას მოკლებული არსებობის გამოსაჩენად მიუძღნევიან და ოსტატურის სიტყვებითა და კილოთი ხალხის ქუთის მასწავლებელ ვითომდა ქვეყნის გულ-შემატკივარ პირებათ მოვლენილან, და ანაირად საზოგადოებას აეკარგის გარჩევის ნიჭი დახშობია, თანაც ზოგიერთის მოხერხებით ისე მოჯადოებულა, რომ პარტოვნი ელი მჯავრის გზაკეალი დახშობია.

ღიან, ქეშმარიტად სამწუხარო მოვლენას ეხედავთ ეხლანდელ დროში. დააკვირდით ჩენი საზოგადოების კრებებს, სადაც უნდა იყოს, თუ ყველგან არ წააწყდეთ ამისთანა სამწუხარო მოვლენებს.

შორს რომ არ წავიდეთ, ავიღოთ, თუ გინდ თბილისის თავად-აზნაურობის კრებები, რომელთაც ასე უხვად აქვთ მიზიდული მრავალთა ყურადღება, და რომელნიც უმრავლესობისათვის, თითქმის, ერთ უღიადეს საყურადღებო ასპარეზად არას მიჩნეული. რასაკვირველია ყველას არ შეუძლია ამ კრებებზე დასწრება, რადგანაც ყველა ხომ თბილისში არ არის. ამისათვის ადამიანი იმ გზას მიპართავ, რომელიც კი არის უტყუარ საშუალებათ მიმჩნეული რიგიან ქვეყნებში და რიგიან საზოგადოებაში, ე. ი. ქუჩნალგაზეთობაში ეძებ ყოველ გეარ აზბავს, რომ მით დაიკმაყოფილო ცნობის მოყვარეობა და წარმოიდგინო ცხადად ის მსჯელობა—ბაასი, რომელიც საზოგადო საქმის გულშემატკივარო ჰქონიათ. მაგრამ ჩვენდა სამწუხაროდ, ჩვენთვის ეს გზაც თურმე დახშული ყოფილა. რა ამისთანა რთულია და გაურკვეველი ჩენი საზოგადო ცხოვრება, რომ ასეთი რამ შეუძლებელი იყოს! და არც არაფერი იქნებოდა გაურკვეველი, რომ ყველას გულში წრფელი გრძობა

ბა დელადეს და ყველა საქმის დახმარების სურვილით იყოს აღტურვილი.

მაგალითად რითი აგხნათ «ივერიის» მე-106 №-რის ფურცელზედ მოყვანილი ერთ-ერთ მჭევრმეტყველის მიერ რიხიანად წარმოთქმული სიტყვები და დამტკიცება, რომ იმერლები და ქართლები ერთნი ვართ, «სახლი-კაცები», «სისხლ-ხორცი»-ო და სხე... ნუ თუ ამის მსმენელი კრება ისეთი უსუსური და გზა-გაურკვეველი იყო, რომ ასეთი ქეშმარიტება კიდევ საკამათოდ და საეჭვოდ მიაჩნდა! ნუ თუ ორი დღის შემდეგ გაისმა მხოლოდ პასუხი ამ კითხვის შესახებ, თუ იყო კი ეს კითხვა გამოწვეული მართლაც რაიმე მიზეზით!.. ორატორი ამბობს, რომ «გუშინ წინ ვერ დავესწარი და შევიტყე», რომ ერთ პირზე უთქვამსთო: „ეკ მოსული არის, ჩვენთან არავითარი კავშირი არა აქვსო“ და სხე... მაშ ორი დღის განმავლობაში, დავიჯეროთ, ერთი პირიც არ გამოჩნდა ამაზედ სიტყვის ამომღები და მსჯავრის წარმომთქმელი? მაგრამ, თუ კი ადამიანი მხოლოდ სიტყვით მოხიბლვას მოიწადინებს, მას ხომ უმიზეზოთაც შეუძლია შეკმაზოს თავისი სიტყვა და მით თავი მოაწონოს საზოგადოებას. ან კიდევ მეორე მჭევრმეტყველის რიხიანად წამონასროლი სიტყვები: „მთელი საქართველო ჩემი ქვეყანაა; ყოველგან გაგხნდები, როცა ჩემი წმიდა მოყალეობა ჩემის ქვეყნის სამსახური და სადაც კი ქართული ენა ისმის, (ეს კი ის ეაქბატონია, რომელსაც შარშანდელ კრებაზედ სულთამხუთავივით უნდა დასდგომოდით, ხუთიოდევჯერ შეგეჩერებინათ და ძლივს თუ ამოაღებდით ქართულად სიტყვას, ისიც ძალიან იშვიათად.) ყველგან ჩემი ქვეყანაა“... და სხე... (იხ. „ივერია“ 104 №-რი). მართლაც მოსაწონია ეს სიტყვა, მაგრამ მხოლოდ მაშინ, როდესაც ამ სიტყვას საფუძვლად აქვს პირნათელი და ღვაწლშემოსილი მიმართულება, რომელიც უტყუარი თანამსრბოლი უნდა იყოს ყველა იმ ადამიანისათვის, ვინც კი აღაღებს ბაგეს ასეთის სიტყვების სათქმელად, თორემ თუ ამისთანას ვერას ვამჩნევთ მთქმელს, პირიქით სულ სხვას ეხედავთ მის ქცევა-მოქმედებაში,



მაშინ უნდა გიკვირდეს ადამიანს მხოლოდ ენის მოხერხება და გეცოდებოდეს ის საზოგადოება, რომლის ქკუის მასწავლებელ მოქალაქეთ ასეთი პირები გამოდიან!..

ყველას თავი დავანებოთ, მაგრამ რთი ავსნათ, რომ ,,ივერიის“ წამკითხველს ანაირი შთაბეჭდილება გამოგაქვს: ერთს მხარეს მრავლისგან უმრავლესი ტყვია-წამალი უსროლია, ლაპარაკით ხომ იმდენი ულაპარაკნია, რომ საერთო ანგარიშში რომ ვერ დაუტყვიათ, ცალკე სიტყვებადაც კი დაუბეჭდავთ. ეხლა ეკითხები ადამიანი თავის თავს: ამ მჭევრმეტყველებს ან უთუოდ ენის ქველი ასტენიათ, და თავის მჭევრმეტყველების სავარჯიშოდ მიუმჩნევიან ბანკის არჩევნები, ან და რალაც მიზნები სხვა უნდა ყოფილიყოსო. რას აგრძელებს ერთი მხარე სიტყვას, როდესაც მეორე მხოლოდ რამოდენიმე წინადადებას ამბობს (რასაკვირველია «ივერია»-ში მოყვანილის სიტყვების მიხედვით). თურმე ნუ იტყვი, ასე მოკლე მოწინააღმდეგე დასის სიტყვები თვით ,,ივერიის“ ბრალია, თორემ კრებაზედ მათ ბევრის წილად უფრო მეტი ულაპარაკნიათ. ეს იყო კიდევ მიზნები, რომ ,,ივერიაში“ სიტყვა-უხემა დასმა ასეთი რიხით და ზემოთ მიიტანა იერიში ყოველ მოწინააღმდეგის სიტყვაზე.

როგორც ნამდვილა წყაროებიდან შეკითხვით, და რაიც გვიდასტურეს მრავალმა კრებაზე დამსწრე ადამიანებმა, სწორედ ამ დასკვნას უნდა დავადგეთ, რომ კრებაზე ნალაპარაკესა და ,,ივერიაში“ დაბეჭდილს ,,შუა აზის დიდი მზლვარი“. ასე რომ გვებრალემა თბილისის გარეშე მყოფი მკითხველი, რომელიც ამაოდ დამაშვრალა, თავის ცნობის-მოყვარეობა ,,ივერიის“ ანგარიშის კითხვაზე მიუპართავს და ამხედ რაიმე დასკვნა დაუყარებია. ამ ნიდაგზე დამყარებული აზრი იქნება ცალკერძი, და პირუთენელობას მოკლებული, რადგანაც ერთის ნალაპარაკეც ეკითხულობთ სრულად და მეორე მხრისას კი ნაკბენ-ნაკბეჩად მოყვანილს, შეკვეცილს და ელფერ მოკლებულს. ეს განსხვავება ერთისა და მეორე დასის ნა-

ლაპარაკეში ,,ივერიის“ რათ მოსდის, ხომ კარვად გვესმის და ვიცი, თუმცა ვერც ასე ზომას ვადასულოთ წარმოვიდგენდით. მაგრამ თურმე ნუ იტყვი, ეს სამწუხარო სენი სხვა ადგილობრივ გაზეთებსაც ვადასდებიათ. რა არის ამის მიზნი? ამას შეგნებული მკითხველი საკმარისად წარმოვიდგენს, რომელმაც ასე საოცრად შეაძრუწუნა ,,გმირთა გმირნი“, ბაყბაყ-დენი..

აქ უნებლიეთ გვაგონდება ერთი ამბავი. ბალკანეთის ნახევარ-კუნძულზე არის ერთი სამთავრო სახელად ბულღარეთი. 1878 წელს იგი განთავისუფლდა თათრების მონებისაგან და ერთი იმ დროის მამულისშვილი, რომელიც ერთი მეთაურთაგანი იყო, მტარველების საწინააღმდეგოდ მებრძოლი, საბოლოოდ მთავარ მინისტრად განდა თავის თანამემამულეებში. სამშობლოს სასიქადულოდ მიაჩნდა ასეთი ღირსეული მამულისშვილის უფროსობა. მაგრამ ხანი გამოხდა. გატაცებულმა მამულის ტრფიალმა გულგრილობას დაუთმო ადგილი. თანდათან ქვეყნის გულშემატკივართ ეჭვი შეეპარათ მის გულ-წრფელობაზე, მაგრამ როგორ დააჯერებდი უმრავლესობას, რომელიც იმ პირის წარსულის ღვაწლით მოჯადოებული სასოებით იხსენიებდა მის სახელს. მაგრამ დრო და ხანმა თანდათან გამოამყლანეს, რომ წინანდელი გმირთა გმირი, დიადი აზრის მებრძოლი თანდათან თავისი თავმოყვარეობის ჯინის აღმასრულებელი გამხდარიყო. ამასობაში უმაღლრობის ხმამ მის შესახებ ძალიან იმატა. მაგრამ ზოგიერთი ადამიანი ხომ სუსტია: უკანასკნელ ღონესაც არ დაშურავს, თუ თავმოყვარეობა გაუზვიადდა. დაჭირდა ამ მოღვაწეს საკუთარი პიროვნების ქება-დიდების გუნდრუკის მკმეველნი. და ბეჭდური სიტყვაც—ეს დიადი საკაცობრიო ძალა, მის მომხრე გაზეთებში მიზნად მხოლოდ მის პიროვნების გამართლებას ისახავდა. საბოლოოდ მანც პატიემოყვარეობის ვადამკიდე იმ მოღვაწემ წაიმტერია ფეხი და ყველას განსაცვიფრებლად სულ სხვა ნაირად გამოაშკარავდა მისი ღვაწლი. რამდენი ოპპოზიცია იმსხვერპლა ამ გამოჩენილმა მამულიშვილმა ვითომდა სამშობლოს ერთგულეებისათვის!..

დახ, უნებლიეთ გვაგონდება ასეთი მაგალი-



თები და განციოფრუებას ეძლევი ადამიანი. ვაოცებას მოღიხართ ასეთი მავალითების შემხედვარე: ან საზოგადოება რით ვერ იკებს დროზე სინამდვილეს, ან ადამიანი პირველად პირნათლად გამოსული საზოგადოებას სარბიელზე რათ იცელება და წერილობით და უმნიშვნელო მისწრაფებას ემანება? რასაკვირველია, დიდი შეცდომა იქნება, რომ ჩვენ სტამბულოვია ოდენა ძალა და მოხერხება დაეწამათ იმ პირს, რომელმაც ეს სტამბულოვი მოგვაგონა, მაგრამ კნინობით თითქო წააკავს—კაიფიქრებ ადამიანი, რადგანაც ამ პირის გუნდრუის საკმეოდ გადაქცეულა მისი საკუთარი, და სამწუხაროდ, ერთად ერთი საერო, საპოლიტიკო და სალიტერატურო გაზეთი. ჩვენ მხოლოდ ის დასვენა უნდა გამოვიყენოთ, რომ ცვალებადი ყოვილა სწორედ ადამიანის ბუნება; თუმცე შესაძლოა, რა გწამართი მიმართულების ადამიანი გაუუღმარადეს, და გატაცებული მოღვაწე გაქსუდეს და ეა მაგალითები ჩვენდა სამწუხაროდ ძალა უნებურად უნდა გვახლოვდეს. ბუნება ასეთი დაუდევარი ყოვილა, და საზოგადოებას დიდი სიფრთხილე მართებს იმ დროს, როდესაც რომელიმე პირის ძველი მოხვეჭილი სახელით აწმყარის მის უნაკლულობას ამტკიცებენ. და როდესაც ეინქეს განუზრახავს ზოგიერთი ამისთანა პირების ნაკლულოვანების გამოარკვევა, საერთო საქმის საკეთილოდ, მაშინ საზოგადოებას და ბეჭდური სიტყვაც მათთან ერთად, ძმურად, დასაბუთებით უნდა არკვედეს აღძრულ ექვს, თითონაც რწქუნდებოდეს და მასაც არწმუნებდეს და არა ვაშა-ვაშას ძახალზე და ტაშის კვრაზე აწყარებდეს თავის მსჯავრს და გაპარჯებას. მეტადრე იმ ვაშა-ვაშასა და ტაშის-კვრაზე, რომელიც სრულიად არ არის ნაყოფი შეგნებულად მანებლებული სიტყვების, არამედ რაღაც წუთიერი გრძობათა გამწვავების შედეგია. ყველამ ძალიან კარგად უნდა იცოდეს, რომ მართა ამითი გამარჯვებას ვერაინ იკემებს. და ერთი მხრის ნაპარაკევის ერთელი დაბეჭდვით და მეორე მხრის ნათქვამის ბოლო-შეგლეჯით ძალაუნებურად ექვს მბადაეს თავის სიმტყუნისა და ნაკლულოვანებისას ის

დასი, რომელიც ამ იარაღს ასე შეეჩვია. მოგვეკით პირუთენელი, ელფერ-შეუცლელი ანგარიში, და საზოგადოებამ იცის, რა დასვენასაც გამოიყენას, და რა აზრს დაადგეს, თორემ უამისოდ ცრუ დასვენა მინც ბოლოს ვერ გაატანს და საზოგადოებაშიდაც გამწვავდება და უმადურობა, ეხლანდელთ ქართველისათვის ფრად საენები და საუბედურო, არ მოისპობა. და ამის ხელის შემწყობიც ხომ ღირსეულ მსჯავრს მიიღებს შთამომავლობისაგან. „ვისაც ასხენ ყურნი სმენად, ისმენენ“.

საუურადლებით.

ყოველ ქვეყანაში, ყოველი ხალხისაგან, გარდა ველურისა, მიღებულია, რომ თავიანთ გამოჩენილ შეილებს ოცდა-ხუთი წლის მოღვაწეობა იღღესასწაულონ ხოლმე. ამ ღღესასწაულს ეძახიან «იუბილეის». ჩვენ ქართველები არ მივდევთ ამ ჩვეულებას, ალბათ მიტომ, რომ ოცდახუთი წელიწადი არ მიგეჩინა საკმარისათ, და მეტსა ეთხოვლობთ. კეთილი და პატიოსანი!. მაგრამ ღღეს გამოდის, რომ ორ-მოც-დაათიც თუმცე არა კმარა და ასი უნდა იყოს? ცხადია, რომ ეს დროს გაქიანურება, ნამეტანა სურვილითა და უზომო სიყვარულით მოგვდის: ისე გვიყვარს ჩვენ ჩვენი მოღვაწეები, რომ სასიკვდილოთ არ გვემეტებთან, სულგძელობით მოველით და ეუცდით საუკუნის შესრულებას და ის ანდაზა კი გვაფიწყდება, რომ „თქვენს სულგძელობას ჩემი ღღევრძელობაც ეჭირებოა“• სწორეთ ორ-მოც-და-ათი წელიწადია, რაც გამოსულა სალიტერატურო ასპარეზზე ჩვენი საყვარელი მოხუცი, პატიოსანი მოღვაწე თ. რაფიელ ერისთავი და დიდი უმადურობა იქნება ჩვენგან მის შესახებ გულ-მაფიწყობა და ჩვეულებრივი დაუდევრობა. („ქელი“).

აგვი.



### შენიშვნა.

მოხარული ვარ, რომ ჩემმა შენიშვნამ „ზეპირ-გადმონაცემები“ მოგროვების შესახებ, ასეთი თანაგრძნობა გამოიწვია. ზოგიერთები პირდაპირ ჩემ სახელზე აგზავნიან თავიანთ წმინდა-წელილს და მთხოვენ: „როგორც შენ ვინდოდეს, ისე მოიხარე!“ გულისთად მადლობას ვუძღვნი ამ პირებს და ერთხელ კიდევ გავიმეორებ, რომ ამ შე-მოსაწევარს სხვა მიზანი არა ექნებათ გარდა ზემო-ხსენებულთ «ზეპირ-გადმონაცემების» შეკრებისა. აგრე-ვე ვთხოვ მათ, რომ ჩემ სახელზე ნუ აგზავნიან, რა-დგანაც მე ერთ ადგილზე არა ვარ ხოლმე, ღღეს რომ აქ ვარ, ხვალ—იქ და ზეგ კიდევ ვინ იცის, საღ ვიქ-ნები? უმჯობესი იქნება, რომ პირდაპირ «კვალის» რედაქციასი გაგზავნიან ხოლმე. ნუ იფიქრებენ, რომ მე მანც თავი არ დაუდნა ამ საქმეს და ჩემი უკანასკნელი ძალ-ღონეც არ შეგწირო. აპსთანავე, რადგანაც ძნელია ამისთანა საქმის ყურადღება, მე მიემართე საიმიჯო და ამ გვარ საქმეში, ყოვლად სასარგებლო პირებს და იმათი დახმარებით იმედი მაქვს მოლოდინი გამართლდეს. ესენი ბრძანდებიან: დეკანოზი დ. ლამბაშიძე, რედაქტორი «მწყემსის»-ა \*), გიორგი წერეთელი, ალექსანდრე გარსევანაშვილი და ექიმი ივ. ელიაშვილი. ამათ დაუკითხავთ და ამათთან შეუთანხმებლათ «ზეპირ-გადმონაცემებს» შე-სახებ არა გადაწყდებარა. მსურველებს შეუძლიათ საქმის შესახებ თვითთულს ამთგანს მიმართონ ხოლმე,—როგორც რაოდენობა შემონაწირთა, ისე სახე-ი და გვარი შემომწირველთა და აგრე საქმის წარმოების მსვლელობა თავ-თავის დროზე ყოველ-თვის გამოცხადებულ იქნება «კვალში» და «მწყემსში». («კვალში»).

აკავი

### ათეისტი და ლოცვის მნიშვნელობა.

უკანასკნელს დროს დიდი ლაშარკობა აღძრული მწყობრებაში შესახებ ლოცვისა და საზოგადოდ ღვთის კედრებისა. ამიტომ უმნიშვნელო არ იქნება, აღნიშნოთ შემდეგი შემთხვევა, რომელიც ერთს შეკედელს მწერალს და ცნობილს დრამატურს სტრანბურგს გადაჭნდა. სტრანბურგი დიდი ათეისტი არის, მაგრამ გულწრფელად აღიარებს ზედმეტიკედებით ძალს ლოცვისას, რამელოც მის თავისს თავზედ გამოსცდა. მის მტრე-წლოანს ქალს ღმე ბნელა დაქმართა, სტრანბურგმა, რაგორც კეიში, უაგელა დონისაგება იხმარა, რომ ცოტადნად, მანც შეემსუბუქებინა აგადმოფისთავის ტანჯვა, მაგ-რამ, შე და ჩემს მუუღელს, ამბობს კეიში, ამის მეტი აღარ დაგვრჩენოდა-რ, რომ გველოდნა, რადის გა-მოკსალმებოდა ბაღლა სარტცხეს, მე სამანდად ვატან-ჯებოდი. ასე მეგონა ჩემის სსეულის რამელიმე ნა-წილსა მწკინ-მეთქი, ეს ასეც უნდა უოფილაიუო; ის ჩემი შეილაიუო, ჩემი სისხლი და სორცა, რომელმანც მე დაკ-ნურტე ჩემი აზრები. მაგრამ, უაგელს დონის ძიებას მოკ-ლებული, უიმელო გიჯექე, და შევეურებოდა აგადმოფის, რამელიც თან-და-თან სიკვდილს უსწლოვებოდა. ჩემი ცოლი ცოცხალ-მკვდარი იატაკზედ დეცა. უცებ, ესედაჯ, ის წამოდგა, აღაშერო ხელნი, თვალბი ზეცას მანერა, ტანით გასწორდა და ტუნები აუთრთოლდა, მისი ნახი არსება კვლავ იმედით აღფრთოვანდა, თვალბი გა-ბრწვინდა.

რაგორ გაჩერებულსარ! მიბრძანა მან. მე ცალი ხელი ბაღლს შუბლზედ დაუადე, მეორე გულზედა და გაჩერდა ასე, ჩემი ცოლი ხუმად ლოცვობდა. აგად-მეოფობა კი კვლავ უძლიერდებოდა ბაღლს.

— ეკედრე ღმერთს, მიბრძანა ცოლმა, რომ მოგ-ვეხედოს! ამ დროს მე კანტის აზრი მომაგონდა, (კანტის შესვლულებით, ლოცვით კანც შეუძლან უფლის მოწყობება გამოითხროს). მე მანც არ შეუდექე ლოც-ვისს. რადესაც აგადმოფობამ ისე მოუარა უმაწილს, რომ მის გამობრუნების იმედი სრულუბით გადაგვიწყდა, მაშინ ცოლმა წამოკლო ხელი და შეომძინა:

— კვდებ, ილოცე მისთვის!

მე დაბავიწყდა წემა თავი, კანტის აზრები და ჩემი ათეისტობა. ტუნები ამითრთოლდნენ და მიკვირებულად სიტყვები, რამელნიც ოცი წელიწადია არ გამსსენებია,

\*) დიდის სიამოვნებით ვკისრულობთ ყოველ შრომას ამ საგნის შესახებ.

რედ.



წარმოსთქვა ხეშა ენამ. სიტუკებთან ერთად დაძიბრუ-  
 ნდნენ წინანდელი აზრებოც და აზრებთან ერთად იპედო,  
 სასკება. მიძინებულმა გრძნობამ გაიღვიძა, წელში  
 გავიძინეთ და წაღწა ძაღ-დონემ დაძიბრა ძაღლებში.  
 მე მეგონა, რომ შემიძლიან ხელის მიკრებით დაგუ-  
 ბრუნო ავადმყოფს სინათლზე, მე მიწოდდა დამეუიარა:  
 შესხედეთ, რა ადვილი და უბრალო საქმეა! სწორედ  
 იმ მდგომარეობაში ვიყავი, როდესაც სიზმარში ჰქონდა  
 ტურკას ვასწავლიდი ვისმეს. არ ვიცი, რას მიაწერო  
 ასეთი მდგომარეობა? ამას-კი ვიტყვი, რომ ვიდრე მე  
 უკრთუნდობდი, ბაღი დაშეკრებულა იყო, როდესაც  
 შევწვეტიდი ღონის, ავადმყოფობა კვლავ უძლიერ-  
 დებოდა მას. მეგონი ოც-და-ხუთჯერ წავიკითხე მამო  
 ხვერა... უმაწვილმა დაძინა, უმაწვილი გადაწხა.  
 („იგერა“).

საისტორიო მასალა. \*)

ივანე ბატონიშვილის წინადადება გიორგი მე XIII-დმო  
 მითმეული 1799 წელსა.

მეფისა და წევრთა მეფისათა ჯამბეგირი და  
 წესდება.

უკეთუ მეფე გარდაიცვალოს, მაშინ რაც ცე-  
 რემონის რიგა, ყოველივე ესე უნდა აღსრულდეს,  
 და აგრეთვე ყოველთა სამღვდელთა წესთა თანა  
 აძთ რათა უწირონ საზოგადოდ მეფეს შეიღებდნენ,  
 თუთხმეტზედან უთეთროდ ყოველმან ფისიკაპოსმან,  
 არქიმანდრიტმან და მღვდელთა; და ამასთან მოიხსენ-  
 ებდნენ ძველთა გარდაცვალებულთა მეფეთა და  
 ღვთაფალთა და მეფეთ სქესთა მართ მადიდებლობით  
 აღსრულებულთა; და ესე იყოს განწესება ეპისკოპოს-  
 ნი წასახურავს ნურა მართმევენ მეფეთა—ეს იყოს  
 მათ მიერ შესაწევარი. ნურცა საიმტყერიოსა აღიღე-

\*) იხ. «მწვეთისა»-ს № 9 1895 წ.

ბენ ამისთვის, რადგან მეფეთა მიერ არიან დასმულნი  
 ეპისკოპოსად და სამღვდელთა განწესებულნი, მათი ც-  
 ვალია, რათა სულეგრითა საქმითა ემახურონ  
 მეფესა. ხოლო სხვებ ამას გარდა რაც აწირვიონ,  
 მიერთმეოდეს საწირავი. ეს სახედეე მეფის ძეთა და  
 ასულთა თვისცა მოექცნენ.

სხვებ, წელიწადში ერთხელ ჰსწირავდნენ თო-  
 მრეტს სეკტემბერს და ქეთეან დედოფლის წინა  
 დღეს, ანუ იმ დღეს, ყოველთა მართლ-მადიდებელთა  
 მეფეთა გარდაცვალებულთათვის, და მოიხსენებდნენ  
 ერთობით გარდაცვალებულთა ღვთაფალთა, მეფეთ  
 ძეთა, და ასულთა, აგრეთვე იხდიდნენ პანაშვილთა,  
 ესეც ვალად მითდა იყოს. ამას ყოველსა საქართვე-  
 ლოსა შინა აღასრულებდნენ.

აგრეთვე ნათლისმცემლის თვის კვეთის დღეს ანუ  
 არჩილ და ლუარსაბის წამებრს დღეს, რაც საქართ-  
 ველოში ქართველი მხედრობანი მტერთაგან ბრძოლა-  
 ში დახოცილან, ყოველთა საზოგადოდ უწირავდნენ  
 და მოიხსენებდნენ ერთობით, და პანაშვილსაც გარდა-  
 უხდიდნენ.

მეფის შობის დღეს ყოველნი სამღვდელთა  
 უწირევდნენ და სამაღლობელ პარაკლისს გარდუხდი-  
 დნენ, აგრეთვე ღვთაფალისა და მემკვიდრისათვის  
 და სხვებთა ისე მოიხსენებდნენ.

მეფის მეთ მემკვიდრეობისათვის.

სამკორდამეკრთა. თუმცა ღეთისადმი განსვენებუ-  
 ლმან მამამან თქვენმან, მეფემან ირაკლი განაწესა  
 ძმებზედან მოღვენებით მეფობა, და ამას ზედანცა  
 აიძულა ხალხი, და დაიფიცეს, თუმცა არ იყო  
 სჯულთიერი სამართალი, მაგრამ ვჰგონებ მორჩილე-  
 ბისათვის ერთის მეორესა ინება ესე. და რადგან  
 განწესება ესე ჰსწინს მიზეზ შფოთისა სახლსა შინა  
 სამეფოსასა, თქვენცა იხმარეთ მეცნიერება და შესა-  
 ერთებელად მათა თქვენთა ინებეთ ესრეთ: თქვენ  
 შემდგომად იყოს დავით, დავითის შემდგომად ვახტან-  
 გ და ესრეთ მიმოვდებით მათა შვილებთა შორის,



ვითარცა ხონტკრის გვარშიაც არის ესე წესდება. გარნა ზემოხსენებულნი უკვე კანონნი და ქვემო მოხსენებულნიც უნდა დაიცოს მეფემან, და თუ არა მიუმატოს რა კარგი, არღარა მოაკლოს რა, და ამ კანონით იაროს, მაშინ სამეფო ყოველთვის წარმატებაში იქნების. თქვენს სიცოცხლეში ინებეთ ესრეთ: იულონ იყოს გორს მოსამართლეთა უფროსად, ზემოხსენებულის ჯამაგირათ და სოფლებით; მუნებურთ ხალხთა იგინი გასამართლებდენ ამილანგარის თანდასწრებით, და რაც სამართალი მოხდებაოდეს, აქ მდივანბეგების უფროსთან წარმოადგენდენ განაჩენთა პირებსა, და ესენი თქვენ მოკართმევედენ, და თუ არაინ დასჯერდეს მუნებურთ სამართალს, აქ იჩივლონ, და თუფხვეტი მინალთუნი შეიტანონ ხაზინაში მოჩივრმან და აქ გაუზნდესთ საპართალი. აგრეთვე, ოდეს ჯარი კომლად დაკურდებათ, მაშინ თვით ბატონის შვილი იულონი ამილანგარი თურთ და სხვა სარდლებით უკლებლად გიანლებოდნენ, ხოლო სხვები ამილანგარის სახელოსა და საქმესა და არც სხვათა მახელეთა საქმესა ხელსა არა რას შეეხებდეს, არც ხალხს, სურსათსა და სხვასა რასმე შეეწუხებდეს. ეს სახედე სხვანი ძანი: რომელნიმე კახეთის მხარეს, რომელნიმე თათრებში და როკელნიმე მთებში და რომელნიმე თქვენთან იმსახურეთ, და ასე იყოს განწესებულა- აგრეთვე თქვენი ძენი, აგრეთვე რომელიც მიიღებს მეფობას სხვათა მეფის ძეთა ეს სახელ პატარეს ცემდეს და იმსახურებდეს, და ამ სახით აპყოფებდეს.

უკეთეს მეფის ძეს, რომელსაცა ერგებოდეს მეფობა, და იყოს უკუნური და არა შეეძლოს რა, ანუ ისევე მემკვიდრის შვილი, ანუ სხვა გონიერი ვინმე მიიღონ მეფედ ნაცვლად მისსა. და არცა ეს იქმნება ურიგო და მართლა ქვეყანის შესამატარ საქმე, თუ რითაც ღონით შეიძლებოდეს თანხმობა იმერეთა და ქართლელთა მეფეთა შორის, რომელ შეერთდენ ეს სახედ: ოდეს ერთ ერთი მეფე გარდიცვალოს ქართლისა ანუ იმერეთისა, უწინ დაშთაპილი მეფე დასან საზოგადოდ ქართლელთა და იმერთა; შემდგომად მეფისა \*) იყოს მიზადგებით, ხან აქეთური მეფის ძე და ხან აქითური მეფის ძე დაჯდებოდენ მეფეთ. შემდგომად გარდაცვალებისა მეფისა მეფის ძეთ აქაურთ იმერეთსაც ჰქონდეთ მამულა და

\*) ალბად „მეფობა“ უნდა იყოს.

იქაურთ ქართლშიაც და იმერეთშიაც. ხოლო მოხელენი, ვითარცა არიან, იქერთანი იყენენ იმავე სახელ იმერნი, ქართლში ქართლელნი და კახეთში კახნი, თავეთის ჯამაგირებთა, აგრეთვე იმერეთის თავადთა მიეცეთ ქართლში მამული აკანონისათვის, ოდესცა მივიდოდენ ქართლშია საცხავრებლად. თუ ეს მოხდება მაშინ ღმერთა მოხედავს ზგენს ქვეყნას.

საერისთავებისათვის.

სამეფლა მეფე. არაკვის საერისთავა ებაროს ისევე ვახტანგს, და იყოს არაკვის ნაიბი. გარნა შემოსავალი და სხვა დებულება, მეფის მიერ განწესებულთ მოხელეთ მიხარდებადეს. და იყენენ ამასთანაც მდივანბეგები, მთის, მოჩივრის ხალხის გასამართლებლად. ამასვე ეკითხებოდეს ჩერქეზისა და თაგურქურთაულისა(?) ქიშტებს საქმე. სხვებ დაჯერებული იყოს თავის ჯამაგირს და სოფლებს. და იყოს შეკრულ ფიკითა. ამის შემდგომ სხუა მეფის ძე, დაიდგინების ისევე ამ სახედ.

ქსნის ერისთავი ნურლა იწოდება ქანის ერისთავის შვილსა არამედ ეწოდოს მოურავი. მთები ვითარცა მეფემან ირაკლი დასდო ისე იყოს. სამეფოდ დადებული ვაკე განეყთ, სამ ძმთა შვილთა: დავით ერისთავისასა, ყულარ-აღასის, და აღბაბაშვილების, აზნაურთ გარდა მიეცეთ გლეხი სახასა. და ამ ერისთავის შვილებში, რომელიც იყოს გონიერი და მამულის ერთგულა, გამოიჩინოს ორი: ერთი იყოს მთლად ქსნის, მოურავად წოდებული. ხოლო მეორე იყოს პატარა ლიანვის მოურავად წოდებული. ამათთან იყოს თითო სამეფო მოხელე მიჩინილი, რომე მთაურს სასამართლოში იგიცა დაესწრებოდეს (რადგან არაგუზედ ჰსჯულოიერი მემკვიდრე არაინ არის, მაინც ვინც არიან მოვმატრასთ ვაკილამ ქართლში რამდენიმე სოფელი, რადგან არაკვის ერისთავის შვილებად იწოდებიან) მოურავთანა. \*) და აგრეთვე რაც გამოსავალი არის ესევე მოხელე გამოაბარებდეს(?) და მიხარებდეს ვისაცა ჯერ აოს, ხოლო მეფემან უბოდოს ათის თავი გამოსავალი ამ მთის მოურავთ, რადგან ამათაც ხარჯი ექმნებათ. სხვებ ვითარცა არიან აზნაურნი მოხელენი და მსახურნი, ისინი ისე უნდა იყენენ, და ანგარიშა, ამ მთის მოურავს და მეფის განწესებულს მოხელეთ ერთად მისცემდენ. სხვებ აზნაურთ შეურაცხყოფა, და აკლებ

\*) ეს გვერდზეა მიწერილი.



არღა ვისი იქმნება: მკირედ დანაშაულისათვის ესენი გარდახდევინებენ გლეხთა, ხოლო დიდის დანაშაულის მექონს მეფეს უნდა წარუდგენდნენ და ყოველსავე აცნობებდნენ კარს; სხუათა ერასთვის შეიღოთა, არა აქეთ ნება მუნ შესწლისა და საქმობისა, ვითარცა ქიზიყსა შინა ენდრონიკეთა შეიღოთა, გარნა ამათ მოურავეთა კიდე, და ესე მოურავობა იქმნების საშვილის შეიღო და ვინმცა იქმნების უმჯობეს იგი დიდდინებოდეს, და ესე მოურავნი თავეთ ცოლ-შვილსა თვისსა საკუთარსა ყმათა შინა ამყოფებდნენ ვითარცა სხუანი მოურავნი, კახთა და თათრებისა.

**თანგადთ ერთმანეთში მოწიკებისათვის.**

სამეოცდა მესამე. ყოველნი თავადნი, რადგან ყოველთვის ცნებებთან ერთი მეორეს მამულსა ზედან, განყრეთ და თავ-თავის წილი მიეციეთ, და ერთმანერთს ყოველი მოდავე მოაშორეთ. აგრეთვე ეკლესიებას მამულიც გაარჩიეთ. და იყენენ ურთიერთისადმი მშვიდობით. რომ ესენი მოკლილნი იყენენ გარეშე მტრისათვის და ურთიერთისა მეორეს არღა იყოს კდომა და სიმძულელი. ეს სახედვე აზნაურნი და მთის კაცნი და ბარისანი განარჩიეთ, რომ მრავალი ჩხუბია მიჯნებზედ.

**მამულის მუხანათისათვის.**

სამეოცდა მეოთხე. თითქმის საქართველო ძველთადაცე შინა გამცემთა კაცთაგან დამდაბლდა, და ეს სახედვე ურჩებოთა მეფეთ სქესთასა; მეფისა და მმართველთაგან ქუეყნისა ნუ მიეცემათ ეს გუარი მიზეზი უსამართლოებისა, რომ ევრღა იპოვნონ კარგი, სამეფო, და იტანჯობდნენ ესე გუარ: უკეთუ ამ გუარი ვინმე გაიქცეს და სხუაა ქუეყანის მეპატრონეს მიუვიდეს, ისეც დაუყუაროს მეფემან და მართველობამან, მისწვრონ, გაუზაფრონ კაცი, და იმის შეურაცხებისათვის ბოდიშიც მოითხოვონ და შეირიგონ და გულ საესე ჰყონ. გარნა იგი გაქცეული ნუ იკადრებს, რომ ამ მტერს წინ გამოუძღვდეს, და ანუ იმისის რჩევით ენოს რაჟმე მამულსა ანუ საზოგადოებასა.

უკეთუ, უმიზეზოდ გაიქცეს ვინმე, იგიცა მოიპატრონ, და თუ არა ინება მოსვლა, აღერია მტერთან, დაუწყო ხდენა და ქურდობა ქვეყანას, მაშინ სათანადო არს მეფისა განცა, და მმართველისაგანცა, რათა გამოიყუარონ იმის მამულისაგან მისნი ცოლ-

შვილნი და იმ გაქცეულსაც შეუყენონ კაცნი თერთ მოგებულნი, ანუ დაჭერთ და ანუ სიკვდილით არ დაზოგონ იგი, გინდ მეფის ძე იყოს, გინდ მეფის მონათესავე ანუ სხუა ვინმე გუამი. მამულის მუხანათს არღა ჰქონდეს გარჩევა გუარებზედ.

უკეთუ, გაქცეულსა მამულია პატრონისაგან წაუხდეს ვისმე ყმა და დატყვევდეს, თუ რამ ნიეთი ჰქონდეს, სახლში დაშთომილი გაეყიდოს, და უკანვე დაიხსნან. ტყვენი თუ ნიეთი არ ჰქონდეს, ანუ მისი ყმა მიეცეს სამეგროდ. ანუ გაეყიდოს მისი წილი და მით დაიხსნან დაკარგულნი და დახოცილთა პატრონებს მიეცეთ სისხლი იმა მამულიდამ. ვითარცა არის მკულელზედ სისხლი გაჩენილი ვახტანგ მეფისაგან და წანახდენიცა აღუდგინონ.

უკეთუ, ურჩიოს ვინმე მეფის შთამამელობათაგანსა ანუ თავადსა, ანუ აზნაურსა, გაქცევა და ურჩება, იმა მრჩეველსა ისე გარდახდეს ვითარცა დანაშავესა; აგრეთვე ვინც თან გარდაყვეს, გაქცეულსა მას იგინიცა ისე დაისაჯნენ ვითარცა დანაშავენი.

უკეთუ, გამოჩნდეს ვინმე მამულის მუხანათი, ანუ კაცის გაგზავნით ანუ წიგნის მიწერით, ანუ თვით ხალხსა შინა ავი მოლაპარაკე, და გამდრევი ერისა, შეიპყრან იგი, და გამოიკითხონ, უკეთუ სხუაცა ჰყცა ვინმე, შემწე ამა საქმესა შინა, ანუ მის ცოლ-შვილიც ერია, და უკეთუ არვინ აღმოჩნდეს, ის ამხანაგი მისი, მაშინ იგი დაისაჯოს, ვითარცა წესია, ჰსჯულდებასა შინა, ანუ დაბრმობითა თუ-ლთათა, ანუ გაგლეხკაცობითა, ანუ დაკერიოთა, აგრეთვე ამასთანაზნაირნი. ხოლო უკეთუ არა ერიოს მისი ცოლ-შვილი, იმათ ხელი ნუ შეეხებათ. მხოლოდ ეს ერთი გუამი დაისაჯოს. სახედვე საკუთრად, მეფისა ორგულსა გარდახდეს, ეს სახედვე ტყვის მყიდველი დაისაჯოს. უკეთუ სამღვდელთაგანი, აღერიოს ესე გუარსა უკვე საქმესა შინა, იგი განიხილონ სულთერთა შეკრებულებამან, და თუ განმტყუნდეს, მოხადონ პატივი სამღვდელთა, გაკრიკონ, და გააფრისკაცონ, და მერეთ რათცა განუწყოს სასამართლომან ისე დაისაჯოს. უკეთუ დედათაგანმან ვინმე იკადროს ეს გუარი საქმე, იგი დაიკარგოს რუსეთსა შინა ანუ გაგზავნილ იქმნეს ფშავსა შინა. აგრეთვე მეფის ძე დაუდგრომელი წარიგზავნოს რუსეთსა შინა, და უკეთუ არა, დააბან ციხესა შინა.



საისტორიო მასალა.

ანანურის ტაძრის წარწერილობანი.

(დასასრული \*).

ანანურის ტაძრის გალავანში არის აღშენებული ორი ეკკ. ერთი დასავლეთით ძველი ღვთაების ეკკ., მეორე შუა გალავანში საკრებულო ტაძარი მიძინებისა, ხოლო მესამე აღმოსავლეთით გალავან გარეთ ძირს მიდგმული გალავნისად. ესეცა ძველი, რომელზედაც სდგას სამრეკლო. ამა ეკკ. შესანიშნავი არა არის რა.

პირველი ძველი ღვთაების ეკკლესია არის აღშენებული მეხუთე საუკუნეში (და რომელნიმე მოგვითხრობენ მეცხრე საუკუნეში). ძველი დაშთენილნი საბუთნი და ხელთ ნაწერნი არა სჩანს რა, დროთა ვითარებისა გამო მტერთ დაუწვიათ. მხოლოდ ამ ეკკლესიაში არის შესანიშნვი ძველი ერისთავის, ოთხ სვეტზედ აღშენებული გათლილას ქვით, შიგნიდგან არის დახატული წმინდანების სახე, გარედგან ნათალ ქვაზედ არის წარწერა შემდეგი:

«ღიღებთა ღვთისათა ჟამსა ოდეს ქართველთ მეფის ვახტანგისთა და ძისა მისისა კახთა მეფისა არჩილისათა ჟი უხანსა სოფელმან ძე ერისთავისა გიორგისა და კვალად ძმა ერისთავისა ოთარისა დის წული ამაგე მეფეთა და ბატონის შვილის კახისა დომენტისი თვით მათგანვე მიჩნეული დიდად სახელ გასული ყოველთაგან უწარჩინებულესად დადგინებული კაცი სრული ყოველთა საღმრთო სიყვარულით აღსავსე და სამსოფლიოთა საქმითა ყოველითურთ უკლებლად გათავებული სრულად საქართველოს მდივან ბეგი ედიშერ უდროოდ გარდასცვალა მე თანა მისა ხვედრემან მისმან უძეოდ გარდავლენილმან აბაშიძის ასულმან ანახანუმ აღვაშენე ოთხი სვეტი კსე გუმბაზი საფლავთა ჩვენთა ზედა აღვასრულეთ ცხოვრება ჩვენი დავშთით უძეოთ, ვაჟი არ გვეღირსა ხუთ ოდენ ქალი გვიბოძა მოწყალემან აღარ მოიხენა თვისი წყალობა ჩვენ ზედა ვამყარა ტუბილს სულს

\*) იხ. «მწყემსი»-ს № 6 1895 წ.

და ხორცსა. ოკერი მყვანდა პატრონი, მაზლი ერისთავი ოთარი თვალი სინათლე ძმას უკან დიდად დაჰმუნებულნი კვლავ ღვე იგიცა გათავდა დაერჩი უპატრონო ვითარცა ძე არ მიბოძა მე ღმერთმან სახელი და ხსენება მის სახელოვნისა კაცისა დაიკარგებოდა ამაოდ. მოვიგონე მე საწყალმან ანახანუმა შვილის სანაცლოდ ამაზედ ვიხსენებოდეთ ღვთის გულისათვის ვისცა მისი სიკეთე ესმოდეს ანუ აწ ისმენდეთ მოკვიხსენებდეთ აქა მასულნი მჭირველნი წმიდას საიღუმლოში მოგვიხსენებდეთ უმწიროვლნი შვილობას გვეტყოდეთ და ჩვენი ამოვარდნისთვის შეგვიბრალვდეთ ქორანიკონს ტნიზ ენკენისთვის ია. .

მეორე სობოროს მიძინებისას კარებთან აქვს კედელზედ წარწერა:

«ქ. ჟი წყევისა დამხანგლო და აღამ პირველისა მამისა ჩვენისა კვალად სამოთხედეე შემყვანებლო ასულო აღამისო და ძისა აღამისა უთესლოდ მშობელო ღვთისა კაცთა მიმართ გარდამოსელისა მაზეზო და კაცთა ბუნებისა ქვეყანით ზეცად აღმყვანებლო ყოველად წმიდაო მარიამ მშობელო ემპანუილისაო რომელმან ნებითა და შეწევნითა შენითა ხელ ჰყო არაგვის ერისთვის შეილმან მდივან ბეგმან პატრონმან ბარძიმ თვისისა სასუფვეელისა ამის ანანურისა მღვთის მშობლისა საფუძველი-თურთ შენებად მრავალიცა არიან წელნი ცხოვრებისა მისანი და მე წინა მდგომელი თვისი ბალსარშვილი ბოქაულთ ხუცეს ქაიხოსროვ დამადგინა წმიდასა ამას მონასტერსა ზედან სარკრად უწყის ღმერთმან რაც შეძლება მქონდა ღვე და ღამ მოუსვენებლად ვმერებოდი არ ვეცდილი თვალოთა ჩემთა ვირემდის განასრულებდენ მონასტერსა ამას ანანურის ღვთის მშობელო შენ მცველ მფარველ მექმნე სოფელსა ამას შინა კეთილად ცხოვრებითა და სინანულითა და საუკუნოსა მასმინე ხმა იგი საწაღელი. ვითარმედ მოვედათ კურთხეულნიო მამისა ჩემისანო და დამიკვიდრე შენთვის განმზადებული სასუფვეელი და ღირს მყავ მე ცოდელი ნაწილსა მას მართალთასა იმკვიდრენა საუკუნოსა მას ამინ...»



ენც წაიკითხოთ შენდობას ბრძანებდეთ თქვენცა ღმერთთან შეგიწოდეს... ქორონიკონს ტოზ.

(ყოველ სიტყვას სამი წერტილი უზის).

გარეთ ვალანისა დასავლეთის მხრივ არის მიცვალებულის საფლავი, რომელსა ზედა მარმარილოს ქვა სძევს და ზედ არის წარწერა:

ქ. განგებამან არსისა ყოველთა მარასიმან დასდგა კაცთა დარღვევით ბუნებისა და მიქცევით მისი მიწადეგ რომლისათვის უწყალად სიკვდილმან მსწრაფლთა დროთა შინა მოსპო სიცოცხლეცა ჩემი და მიმცა მიწად, რომელი ვიყავ ანანურის სობოროს დეკანოზი იმერეთის თავადთაგანის დავით ნიკოლოზის ძე გაბაონი, დაპტეებელი უძეოდ სასურველისა მეუღლისა ჩემისა დამღები ამა ლოდანა სახსოვრად თვისად, სადაცა განიხევენებს გვამი გამზრდელითა ჩემისა მიტრაპოლიტოს დასათეოზასაცა და აღვესრულე შრომასა შინა მის სობოროსასა მზ წლისა აღმო მკითხველთ გვედრი ჰყათ ჩემ უღირასათვის შენდობა, რათა თქვენცა გაქვენსთ იგა საუკუნოსა მას ცხოვრებასა დეკეპრას ძ. დღეა ჩქლთ წელსა.

ამ ანანურის ტაძარში განისვენებს გვამი მოწამებრივად გარდაცვალებულს დასითეოს მიტრაპოლიტსა, რომელიც მარხა მარცხნივ გვერდით „კლაროსისა“. წარწერა ქვაზედ გადასულია, რადგან დასითეოსის დამარხვიდგან დადი დრო არის გავლილი.

დაახ, ანანურის ტაძარსწორედ აკლდამა ტანჯულთა და წვალებულთა პართა და დიდი უბედურების მომგონებელია ეხლანდელი დროის მცხოვრებთათვის.

დეკ. 1901. ლაბაშიძე.



# სწავლა და მეცნიერება ქრისტიანობრივ სარწმუნოებასა და კეთილმზენებაზე.

ცხოვრება დირსისა ზღმერთ-მემოსილისა

ბამისა ჩვენი

## ვიოჯგი მთაწმინდლისა.

(გაგრძელება \*)

პატრიარქმა უბრძანა თეოფილე ქართველს, რომელიც პატრიარქთან იმყოფებოდა და რომელიც შემდეგ თარსიის მიტროპოლიტად იქმნა დანიშნული, მოეტანა ნეტარ გიორგისათვის წიგნი, რომელშიაც აღწერილი იყო მოგზაურობა და მოღვაწეობა წმ. მოციქულის ანდრიაში. როცა წიგნი მოიტანეს, ნეტარმა წაიკითხა წიგნის დასაწყისი, მიუბრუნდა პატრიარქსა და უთხრა: «უფუმიდესო მეუფეო, შენ ამბობ და თავს იქებ მით, რომ ზიხარ უმთავრესი მოციქულის პეტრეს ტახტზე; იცოდე, რომ ჩვენ განათლებულნი ვართ პირველ წოდებულის მოციქულის ანდრიას მიერ, რომელიც არის ძმა მოციქულის პეტრეს, და რომელსაც მოუწოდა პირველმა და უჩვენა ნათელი ჭეშმარიტი. ჩვენ ვართ ხვედრი და სამწყსო ანდრია მოციქულისა; მისგან ვართ ნათელ ღებულები. ხოლო ერთი ათორმეტ მოციქულთაგანი, სამონკანელი დასაფლავებელია ჩვენს ქვეყანაში, აფხაზეთში, ძველი ნიკოპოსის დაბაში. ამ მოციქულებსაგან არის განათლებული ჩვენი ქვეყანა, და ჩვენც იმ დროიდგან, როცა კი ესცანით ერთი ღმერთი, არაეთიარი წინააღმდეგი მისი სჯულისა არა გვიქნია რა, და არას დროს ჩვენი სამწყსო თანამოაზრე არ ყოფილა ქრისტეს სამწყსოს უწინდელ მწვალებლებთან და არც სხვა წინააღმდეგებთან. ეხლა რა საფუძვლით უნდა დაემორჩილოს ჩვენი ეკლესია თქვენს ტახტს? შემდეგ ნეტარმა დაუწყო მტყუნება

\*) იხ. «მწვემსი»-ს № 9 1895 წ.



მისგან წამოყენებულ საბუთება, რომელთა მიხედვით საქართველოს ეკკლესია, პატრიარქის აზრით, უნდა დამორჩილებოდა საბერძნეთის ეკკლესიას. წმიდანმა უთხრა პატრიარქს: «უწმიდესო მეუფეო, მიწოდებულ იქნა უნდა დამორჩილოს მიწოდებულს! წმიდა მოციქული პეტრე, როგორც თავის ძმის ანდრიას მიერ მიწოდებული, უნდა დამორჩილოს ანდრიას, როგორც მიწოდებულს და ქვეშაირი ნათელის მაჩვენებელს. ამისათვის თქვენი ტახტიც, როგორც ტახტი წმიდა მოციქულის პეტრესი, უნდა დამორჩილებოდა ჩვენს ტახტს, ტახტს მისი ძმისას, მოციქულ ანდრია პირველ წოდებულისას. ამას აი კიდევ რა უნდა დაუმატოთ: წმიდაო მეუფეო, ეს რომელი ამბობს ჩვენზე, რომ ვითომ ჩვენ არ ვიცოდებთ სარწმუნოება ქრისტესი და არ გვესმოდეს სჯული და თქვენს თავს კი უწოდებთ მართლ—მადიდებლობის მფარველს და მცველს? იცოდე, მეუფეო, რომ იყო ღრა, როცა მთელს საბერძნეთში იმოღვინად შეიარყა მართლ—მადიდებლობა, რომ ძნელი იყო მიეთითებია კაცს რომელიმე კუთხისათვის, რომელშიაც წმიდათ დატული და აღიარებული ყოფილიყო მოციქულთა მიერ გარდმოცემული მართლ—მადიდებლობა, ჩვენი ქვეყანა კი როგორც იმ ღრას, ისე ეხლაც მტკიცედ იცავდა და იცავს მოციქულთაგან გადმოცემულ საუნჯეს მართლ—მადიდებელი აღსარებისას. იმ ძნელს ღრას საბერძნეთის მხარეებში არც კი იყო მართლ—მადიდებელი ტაძარი, რომელშიაც ხელი დაესხათ წმ. იოანნესთვის გოთფის ებასკოპოსად; ამ მიზეზისა გამო იგი ხელდასხმულ იქმნა ჩვენში, ჩვენს საპატრიარქო ცხოველს და მირონის გამომდინარე მცხეთის სვეტის ტაძარში, და შემდეგ იგი გაგზავნეს გოთფის კათედრაზე, და ამას მოწმობს როგორც ჩვენი, ისე თქვენი სენაქსარი».

როცა ნეტარმა გაათავა თავისი სიტყვა, პატრიარქი მიუბრუნდა საღმრთო მასწავლებელთ და იქ მდგომარე ხალხს და რქვა: «ხედავთამ ბერ-მონაზონს, რომელიც მართლ მართა ყველაფერში გვაძლევს ჩვენ გრცელს და კანონიერ პასუხს! ნუ ვეწინა-

აღმდეგებით მას, თორემ იგი როგორც სიტყვით ისე საქმით დაგვიმტკიცებს ჩვენი მოთხოვნის უანონობას და იგი გვძლევს ჩვენ». შემდეგ ამისანეტარი, რომელმაც ასე საჯაროთ აღიარა თავისი სარწმუნოება და დაცვა თავისი ეკკლესია, დიდად პატივცემული შეიქნა როგორც პატრიარქისაგან, ისე ანტიოხიის ყველა მოქალაქეთაგან! ყველანი ისე უცქეროდნენ მას, როგორც თავის მასწავლებელს; თვით პატრიარქი თავისი სულის ყველა საქმეების შესახებ ნეტარს ეკითხებოდა ხოლმე ჩიევას.

როცა კეთილ-მსახურმა მეფე ბაგრატმა შეიტყო, რომ ნეტარმა თითქმის უკვე დაასრულა საეკკლესიო წიგნების თარგმნა და მისი ნათარგმნი წიგნებით მოიფინა ყველა მონასტრები, საკვირველს მთაზე აღმენებულნი, რომლებშიაც უმეტესად ქართველი ბერ—მონაზვნები ცხოვრებდნენ, და აგრეთვე ყველა ქართველი მონასტრები, რომელნიც იმყოფებოდნენ ანტიოხიის და იერუსალიმის ეპარქიებში, ბრძანა გადაეწერათ ეს წიგნები თვით საქართველოში სახმარებლად. ამ საქმეს მომეტებულად ხელი მოჰქიდა და დიდხანსაც ცდილობდა აუხაზეთას წმ. ვარლამის მონასტრის წინამძღვარი ნეტარი ანტონი ლიპარიტი, რომელიც თავად ორბელიანების სახლეულობის შთამომავალი იყო; აუხაზეთში გააგო კეთილ-მსახურმა მეფე ბაგრატმა ნეტარი გიორგის შრომანი სასარგებლოდ ეკკლესიისა. ანტონმა თვით უდაბნოდან დიდი საჩუქრები გაუგზავნა წმიდანს მისი შრომისათვის, და შემდეგისათვისაც სავალდებულოდ დაიღვა, თავისს სიკვდილამდე, იგზავნა ხოლმე ყოველ წლობით ნეტარისათვის სხვა და სხვა საჩუქრები და ამათ გამოეხატა თავისი თანაგრძობა ნეტარის შრომისადმი, გარდა ამისა ანტონიმ დასწერა ბევრი ქებითი სიტყვები ნეტარის შესახებ და ფრად შეაქო ნეტარის შრომა. ცოტა ხნის შემდეგ საქართველოს ყველა მონასტრები და ტაძრები გამშვენდნენ და გამოიღვინდნენ ნეტარის ნათარგმნი წიგნებით; თითოეული უდაბნო და ტაძარი ცდილობდა და თავის წმიდა მოვალეობად, სთელიდა გადაეწერა და ქონებოდა ნეტარი



გიორგის ყველა წიგნების, რომლებიც უწინ არ მოიპოვებოდნენ საქართველოს ეკკლესიაშია.

მეფე ბაგრატმა, მისმა მემკვიდრე გიორგიმ, დაქვრივებულმა დედოფალმა მარიამმა, ქათალიკოსმა და ყველა ეპისკოპოსებმა ერთხად დაადგინეს გამოფრადებიათ ნეტარი ანტიოქიადკან საქართველოში, რომ პირის პირ ეხილათ მშენება და სიმტკაცე თაენის ეკკლესიისა და მიელოთ მისგან დარაგება და კურთხევა. მეფემ თავისი, თავის მეუღლის და დედის სახელით მისწრა ნეტარს შემდეგი წერილი: «წმალა მამა! საკვირეულს მთაზე ჩენი უღაბნოები ძლიერ მკირეა, ამათაწაე იკინი იყუფებან სხვის სამფლადელაში, და შენგან უცხო მხარეში; ხოლო სამეფო ჩენი ვრეკლა, და სხვა სახელწიფათა შორას უკავია მაღალი აღკილო, აქვისკაბასების კათედრა, ტაძრება და მონასტრები ბერა. უფალმა ღმერთმა ინებო მოვლინება თქენი ჩენში, რათა გვაკურახო, და განათლო სული ჩენი». «წმალა მამა», სწერდნ იგინი, «მარტო თქენგან ნათარკმნი წუნებოთ ნუ კი გამშენდება და განათლება ჩენი ტარები; გესურს, რომ ჩენ თვითონ განათლდეთ და ჩავაბაროთ ჩენი მემკვიდრე და მთელი სახლარა ჩემი, რათა იგი, განგებულ და დარჩებულ იქმნეს თქენი უწმიდესობისგან».

როცა ნეტარმა ეს წერილი მიიღო, სულათ შეწუხდა; იგი ყოველის მხრათ ცდილობდა მორიდებოდა კაცთა ქება-დიდებას და ამა რუთი სოფლის ზრუნვას, ესლა კი ძალია უწებურათ უნდა ჩაეარდნილიყო მასში, რასაც ასე ერიდებოდა; გარდა ამისა მას ეშინოდა, რომ მისთვის ეპისკოპოსობა არ მიეცათ და ამით არ მოეკლოთ იგი ტუპილს ბერმონაზვნურ ცხოვრებას.

მაგრამ შემდეგ დათანხმდა და მალე გამეზავრა საქართველოსკენ ზოგიერთი თავისი მანლობელი მოწაფეებითურთ.

ფათის ქალაქის უფროსმა აკნობა მეფე ბაკრატს ნეტარის და მისი მოწაფეების მოსულა. ამ დროს

მეფე თავისი სახელმწიფოის აღმოსავლეთ-ჩრდილოეთის ოლქებში, ე. ი. ქართლში, იმყოფებოდა. მეფემ დაუყარნებლიე გავზავნა მათ შესაგებებლად თავისი მდივანი, და ჯბრძანა, რომ ნეტარი დიდის პატივისცემით მიეღოთ და მიეყვანათ იგი სასახლეში, ქ. ქუთაისში. მათ თან მოჰყვა ქუთაისის ეპისკოპოსი, სახელად ილარიონი იგინი ქუთაისიდან ერთად გაემგზავრენ ქართლში, სადაც ამ დროს იმყოფებოდა მეფე. როცა ისინი სამი საათის სასაარულო მანძილზე მიუახლოვდნ მეფის ბინას, მეფემ შეპირავება მათ ეპისკოპოსები და დიდკაცობა, და თვითონ კი ელოდა მათ თავის სადგომის კარებთან. აქ მეფე დიდის სიხარულით მიეგება ნეტარს, გადაეხვია მას, დაკაცნა, მიიღო მისგან ლოცვა-კურთხევა, და მერე ხელ ჩაკიდებული შეიყვანა იგი თავის კარავში, სადაც გამზადებული იყო სადილი. მეფემ გვერდით მოისვა ნეტარი და მომეტებულ სიხარულისაგან უეცრად წამოიძახა: «კურთხეულ არს ღმერთი; დღეს დადგა ჩემი სამეფოის ხსნა, ეინიდან ვხედავ ჩემს წინაშე ახალს ოქრობირს». მეფესთან ერთად ხარობდნ ყველა ღეთის მოშიშნი და ქრისტეს მოყვარული დიდკაცობა და სიხარულითამობდნენ: «კურთხეულ არს უფალი, რომელმაც მოგვიფილია ჩენ ასეთი კაცი ჩენი ცხოვნებისათვის».

ამ დროს მეფე ეომებოდა აჯანყებულს თავად აბაშიძეებს, რომელთაც ხელთ ეპყრათ დიდი სიმდიდრე და რომელთაც თავისი ძალით და დიდძალი ხალხის დახმარებით სურდათ დაეტუსლებიათ თვით მეფე და განეადგურებიათ მისი სამფლობელო; მეფე დიდი ხნიდან ცდილობდა მემამობეთა დამშვიდებას; ბოლოს შეკრიბა ჯარი და საბოლოოდ დაამარცხა მემამობენი, დაატყვევა ხუთი ძმა აბაშიძეები. როცა მეფე გამარჯვებული დაბრუნდა უკან, ნეტარი შევიდა მეფესთან კარავში და მიულოცა მას გამარჯვება; ამაზე მეფემ მიუგა: «მამაო წმალა, დღე ხანია ვცდილობდი დამემშვიდებია ქრისტეს მტერნი, მაგრამ ვერ შევსძლე ჩემი სურვილის შესრულება; ესლა კი ღმერთმა მოგვანიჭა ჩენ გამარჯვება შენი წმიდა ლოცვის მეოხებით».



# საეჭვო კითხვების განმარტება.

## მ. რედაქტორო!

უმორჩილესად გთხოვთ, თქვენი პატრიუტული გზებით «მწყემსი»-ს საშუალებით განვიმარტოთ შემდეგი საეჭვო კითხვები და მით გამოვკვყნაოთ იქვენულობიანება:

1. გამოადება მეტრიკული მოწმობის მადრემის შესახებ ბლადონებს კვთვების თუ სასულიერო გამოძიებებით?

2. ბლადონის, რომელსაც მანდობილი აქვს მეტრიკული გამოცხადებული საქმე, შეუძლია თუ არა თავის თავად გადასტყოს ეს საქმე გამოსაძიებლად სასულიერო გამოძიებებულს?

3. მომრიგებელ-მოსამართლის გარდაწვეტილებას გარკვე შეუძლია თუ არა სასულიერო გამოძიებულს ჯარშია დაადგას მოწმობის დაბარებაზე მოუსჯელიობისა და პატივ-სადებ მისეზის წარმოუდგენლობისათვის და თუ შეუძლია, რომდენათ? (ან გმარა მარტო ხეგნება? მუს. 113, ტ. XV კან., თუ მოწმობას გამოუტანდებლობაზე უნდა მაგმართოთ მსაჯულთ?)

4. რომდენა წლის უბიწოდ სამსახურისათვის მიეცემა სასულიერო გამოძიებულს ანნას ჯგარო?

5. თავისი თანამდებობისა მეზრ სასულიერო გამოძიებულს რომელი სასულიერო თანამდებობის შიარზე მეტია, ან ნაკლები. ნუ მიაწერთ ბ. ჩემს მასწარებებს, ვითომ, მე ვთვითრობდე სხვაზე უკეთ დადგომის, გინდ უფლებას?

6. რაგია თუ არა კამლაგით, ან სკუფით დაჯილდოებულს მღვდელს ღვთის-მსახურების დროს გარდაც ესუროს თავზე ეს ჯილდოები სოფლებში, დაბებში საარწულის დროს და სასამართლოებში?

7. უფროდ შობილმა გუმა ჯგარო დაიწერა თავის აღმწეულ-სამდღოსთან, ჩაიწერა საეკკლესიო საბუთებში ასე: უფროდ შობილი ეს და ეს—ცოლი მისა ეს და ეს და შეილება... ამ უფროდ—შობილს, ან იმის შობილებას გგარო აღარ მიეცემა?

8. რაგია თუ არა მედაკათიებში თავანთი შესაფერი ტანთ-საცმელნი დასტოვონ და იარებოდენ

გსლანდელი «მოღის» შეგვრალი ჩოხებით და საქალებში მისრები ქონდესთ ჩვენებურად (ქალა), რეკოლეკრა, თუ სხვა იარაღები. საზოგადოთ მედაკათიებებს რეგოტრა ტანთ-საცმელი უნდა ქონდესთ, ან მათა შესაფერა ტანთ-საცმელი რა ნაინია?

9. შეიძლება თუ არა მღვდელმა ესრელოს თოფი რომელიმე გარეულ ნადირს ან ფრანკულს და მისა თოფით მოკლულა ნადირს ხოტბა იტყვა თუ არა?

10. გარდა მღვდელთა გვამისა კრასკატთა გარდაცვალებულთა გვამა მათუდალებლად უნდა გააბინოს, თუ არა წელით გვამში ჩასვენებას დროს? (მათ რიდგეში ვითეჭროთ გადამდება სენით გარდაცვალებულთა გვამიც).

11. რა ავითოფოთი ერთი უბრლო სასლში ე. ი. ზალაშა წვერან, ასე რომ ავენება მათა, გინდ მოქრანობა მოუსერსებულა, ხოლო გრძნობა კი ორკვეს აქვს და აღსარების თქმა შეუძლია. ამ გვარ შემთხვევაში მღვდელი, რეგორ უნდა მოაქცეს და მიუთილე-ბელი აღსარება რეგორ უნდა ათქვიანოს წმ. საიდუმლოს მისალებლად. რომ ნელა ამოკიანოს, ან ესმის მოსწეებლობისა, თუ სხვა მისეზას გამო და ხმა მადლაგ რომ ჩავითხო, მშინ უწვევლად ავითოფოტობა ერთ-მეორის სატყვას, თუ მოძიჭრანსა გაიგონებენ?

12. შეიძლება თუ არა მღვდელმა აზაროს იმისთანა ავითოფოტა, რომელსაც ენა აქვს ჩავარდნილი და გრძნობა დაკარგული და თუ არ შეიძლება, რეგორ უნდა მოაქცეს მღვდელი მშინ, რომელსაც ჭირან-უფალი ძალას ატანს ავითოფოტას ზარობისათვის?

და 13. სასულიერო კონსისტორიისა წესდების ძალით რომელ ბლადონისაც ებარება თუთხმეტი შტატის ეკკლესიაზე მეტა, შეიძლება მას მიეცეს თანაშემწე მატალითა ბლადონის აბრა თორმეტი, თუ ცამეტი შტატის ეკკლესიას, მას შეუძლია თუ არა ითხოვოს თანაშემწე და მიეცემა თუ არა?

სასულიერო გამოძიებული მღვ. სამონ ჩანაბაი.

## მ ი გ ე ბ ა.

1. ბლადონის ეკუთვნის და არა გამოემეტიბელს, ასეა ვარდაწყვეტილი სინოდალნი კანტორისაგანაც.

2. პატრისადებ მიზეზთა გამო შეუძლია თანაშემწეს გადასცეს გამოსაძიებლად და თუ თანაშემწე



არა ჰყავს, მაშინ შეუძლია გამომეძიებელსაც გარდასცეს, მაგრამ საქმის წარმოღობის სისწორეზე მან უნდა აგოს პასუხი.

3, გამომეძიებელს არ შეუძლია დაჯარიმება მოწამისა, რომელიც დაბარებაზე არ გამოცხადდა. გამომეძიებელი წარადგენს მოსამართლესთან და ის დაჯარიმებს თვის შეხედულებებისამებრ.

4, გამომეძიებელს სამსახურისათვის კანონით აწესდება ჯარი არ აქვს დანიშნული, მაგრამ მღვდელმთავარს შეუძლია წარდგინება და კარგი წარდგინებით შეიძლება დაჯილდოებაც.

5. მაცხოვარმა ბრძანა: რომელსაც უმაღლესობა სურს, ყველაზე უმაღლესად შერაცხოს თავიო. ამას თუ არა ყოფთ უარს, მაშინ ყველაზე უკან უნდა დავსდეთ!. საზოგადოდ რომ ვსთქვათ, გამომეძიებელს არ შეუძლია წინ დაუდგეს მის წინ ნაკურთხს მღვდელს. მაგრამ, სამწუხაროდ, ასე არ იქცევიან: ერთი გამომეძიებელი, რომელიც წინეთ თურმე სხვა სამსახურში იყო და საერო ჩინი აქვს მიღებული, ასე აწერს ხელს: «გუბერნსკის სეკრეტარი, მღვდელი და სასულიერო გამომეძიებელი»!!.

6, კამილაეკას, სკუფიის და სხვა ჯილდების ტარების შესახებ ჩვენში განსაკუთრებით ძლიერ უწყსოება სუფევს. ჩვენ დავაკვირდით პეტერბურღში, მოსკოვში და სხვაგანაც, მაგრამ ერთი მღვდელი ვერ ვნახეთ, რომ კამილაეკას, სკუფიას და ორდენებს ატარებდეს ქუჩებში და მგზავრობასა და სეირნობის დროს. ზემოხსენებულ ადგილებში კამილაეკას, სკუფიას, ენქერს და «ნაბედრენიკს» ხმარობენ ტაძრებში ღვთისმსახურების დროს, უფროს პირთან წარდგომის დროს და როცა კრებებზე ესწრებიან, სადაც ელდებულია ყველა ფორმით იყოს გამოწყობილი. საერო ორდენებს წირვის დროს აღარ ხმარობენ. მაგრამ დღესასწაულ დღეებში და როცა უფროს პირთან წარდგებიან, ან კრებებში ესწრებიან, მაშინაც ატარებენ. უბრალო დღეებში და უმიზეზოთ არავენ არ ხმარობს. ამ შემთხვევაში ზოგიერთები და განსაკუთრებით ჩვენში, ნამეტან ახირებულად იქცევიან. აქო და დავაჯილდოესო, აღარც დღე და აღარც ღამე აღარ იშორებენ კამილაეკას სკუფიას და ორდენებს. ზოგი ისე გატაცებულია გულ საკიდი ჯილდოებით, რომ არ რცხვენოდეს, ორსაშა დაიკიდებს მკერდზე. ამას კიდევ ჩაღიან ზოგიერთები. მაგალითებ, როდესაც ვინემე კამილაეკას, მიიღებს სკუფი-

აღარ უნდა იხმაროს. როდესაც მეორე ხარისხის ან-ნას ორდენს მიიღებს, მესამე ხარისხის ორდენი აღარ უნდა იხმაროს. მაგრამ შენც არ მომიკდე. აბა დააკვირდით, რამდენს კვლია გულზე მესამე ხარისხისა და მეორესიც. დააკვირდით კარგად, რა მუყიათობით და გულს მოდგინებით იჭრელებს მკერდს სხვა და სხვა უბრალო ნიშნებით და სიმრავლისთვის ისეთ ორდენებსაც იკიდებს, რომლის ტარება არც კი შეიძლება. რაიცა შეეხება ზოგიერთ სამღვდელო პირთ, იმათ ისე შეყვარებით ეკვლეხიაში სატარებელი ზოგიერთი ნიშნები, რომ მზათარიან, თითქმის, „ნაბედრენიკიც“ ქუჩაში ატარონ, რომ არ დაუშლიდნენ. და რა მიზეზია, რომ ჩვენებს ასეთი შეხედულება აქვსთ ჯილდოებზე? იმისი, რომ ჯერ ჩვენ განათლებით ძლიერ დაქვეითებული ვართ და ევლურ ხალხიდგან ბევრით არ განვირჩევით. ვადათვალიერეთ ჩვენს წმიდა მამანების ცხოვრება, აბა თუ ნახათ მათში რომლიმეს ზიზილ-პიზილებით შეჭვილილს. მაგრამ ღმერთმან კარგე მოგცესთ, კარგად ისინი მსახურებდენ...

დღეს კი ჰგონათ, თუ დაჯილდოებული ვარ, სწორეთ საქმე გამოიკეთებია და ნაყოფიც მომიტანია ქრისტეს ყანაშიო... ის არის სამწუხარო, რომ ქრისტეს შემდეგი სიტყვები აღარ ახსოვსთ ზოგიერთებს: «მიმსგავსებულხართ საფლავთა განგოზილთა, რომელნი ჰჩანედ გარეშე შევნიერ, ხოლო შინაგან სავსე არიედ ძვლებითა მკვდართათა და ყოვლითა არაწმიდებითა».

7, ამნაირად ჩაწერა არაეისი არ შეიძლება. «უჯერო შობილია თუ ვერიათ, დედა ხომ ჰყავდა და დაბადებულიც დედის გუარით უნდა ჩაიწეროს. სიტყვის: «უჯეროდ შობილი, უკანონოდ შობილი»-ს ხმარება მეტრიკაში სინოდალნი კანტორისა და სინოდისგანაც აკრძალულია. შენ უნდა დაწერო დაბადების და მონათვლის რიცხვი და ვისგან დაიბადა და ამ დაწერილიდგან გამოსჩადება დაბადების კანონიერობა, რადგან მამა არ ეყოლება გვირგვინ ნაკურთხითორემ დაბადებით ერთნაირად იბადებიან ყველანი».

8, მედავითნებებს და ეკკლესიის მოსამსახურეთ არა აქვსთ უფლება ეხლანდელი «მოდის» ჩოხებით და ქილებით გამოიწყოს და ზედ რეეოლეფორის დასაკიდებელი ქამრები შემოირტყას. ეკკლესიის მოსამსახურეთა უნდა ეცეასთ კაბა, ან ჩოხა, მაგრამ ქილები არ უნდა ჰქონდეს. ძველ დროში ქამრებზედ ეკიდათ პატარა საქონე თოფისა და ფიშტოლსათვის სახმარებელი და ამ სამკაულს ეხლაც აღარ იშლიან ზოგიერთები, თუმცა ეხლანდელი დროის თოფები და ფიშტოლები ქონის ხმა



რებას არ თხოულობენ. ერის კაცებში რომ დარჩეს ამისთანა სულელური ჩვეულება, ისიც სირცხვილია და ეკლესიის მოსამსახურეს როგორ შეეფერება ესეები? მაგრამ ვინ არის დამშლელი. მღვდლებიც არ იქცევიან ამ შემთხვევაში კარგად, ზოგი ისეთ ჭრელ ანაფორას იკრავს, რომ გავაოცებს შეხედვა და ზოგი თმებს ქალულად იწნავს და ბოლოს «ლენტი» იკრავს. ტანისამოსით კაცი არ გაისინჯება, მაგრამ ბევრს კი ამაღლებს საზოგადოების თვალში ახირებული ტანთ-საცმელი.

9. თოფის და საომარი იარაღების ხმარება მღვდელს მისი ხარისხით აკრძალული აქვს და რა მღვდლის საქმეა ნადირობა, თორემ ირემი ან მშველი რომ მღვდლისგან განასროლი ტყვიით ან ქვით მოკვდეს, თუ დაველა მოასწრეს, იმით კი არ შეიგინება ზორცი! ზოგიერთ ადგილას ჩვენში ქალებისგან ღაკლულს ფრინველს არ ჭამენ, ვეროპაში კი ამას არ გადევნ. ჩვენი ზნე-ჩვეულება უფრო მეტად ჰუმანიურია ამ შემთხვევაში.

10. უთუოდ უნდა გასუფთავდეს გვაში გარდაცვალებულისა კუბოში ჩასვენების დროს, რა სწეულებითაც უნდა იყოს იგი გარდაცვლილი.

11. მავისთანა შემთხვევა მღვდელს არ შეხვდება. თუ შეხვდა, ლოგინიანათ უნდა გაიყვანო მეორე ოთახში ან გარეთ და გათავდა საქმე!.

12. ენა ჩავარდნილი და გრძნობა დაკარგული ავადმყოფის ზიარება არ შეიძლება, რამდენიც უნდა ითხოვონ ჭირისუფლებმა. ჭირისუფლებს უარა უნდა უთხრას მღვდელმა და შინ წავიდეს.

13. რამდენი შტატაც უნდა ყავდეს საბლალოჩინ ოში ბლალოჩინს, მას თანაშემწეს არაფერს განუწყვეტებს, თუ თვითონ არ მოითხოვს და თვითონ თუ თხოულობს, შეუძლია განაწესოს თანაშემწე, რვა შტატაც რომა ჰყავდეს მარტო.

რედაქტორი.

**შეწირულებანი.**

დავით აღმაშენებლის სასაფლაოს სამლოცველოს განსასრულებლად და დავით და კონსტანტინეს კუბოს მოსაბოკებლად ჩვენ მივიღეთ მატევეშელის ჭკელიშის

მონასტრის წინამძღვრის მამა ანხანდრატის ნაიფორესგან შეკრებალა 7 მან. 40 კ., რომლას შემომწირველთა საიას აქვე ვუბეჭდავთ:

მღვდელ-მონაზონმა ნაიფორემ 1 მ., მღვდელ-მონაზონმა ილარიონმა 1 მ., აკრო დიაკონმა ვასილმა 1 მ., მღვდელ-მონაზონმა კირილემ 1 მ., მღვდელ-მონაზონმა ნიკოლოზმა 1 მ., მონაზონმა ნიკო დავითამ 2 მ. კაზ., მლოცველთაგანმა გერასიმემ 50 კ., მონაზონმა მალაქიამ 50 კ., დიანოქმა ნიკო ტრისისთავმა 15 კაპეაგი.

ამავე მისნით ჩვენ მივიღეთ მამა ანტონ ჩაქვანი-სგან სუთი მანეთი, რომელთაგან მის მრველში მობოჭილა სამი მანეთი და მატრონა ელიავას ასულისგან 1 მ., დიუდმელა გუჭუხიძისა გოგიტიძის ასულისგან 1 მანეთი და სრულიად 12 მან. და 40 კ.

ამ ფულებისა დღემდე იყო სულ 3226 მ. 76 კ. ამანად აქნება 3239 მან. 16 კ.

**მამაო რედაქტორო!**

უძრწინლესად გთხოვთ ნება გეობოძათ, რომ თქვენის გასუთის საშუალებით გუელთადი მადლობა გამოუცხადოთ მე და ჩემმა მრველმა ქ. მისკოკში მტნოვრებელს მოკატკეს ე. იუდინისას, რომელმაც შემოსწია ჩემდამო რწმუნებულს ანანურას მაძინების სობოროს: ბარძიში, ფეშხუში, კამარა, კოკში, ორი განსასაგებელი ბარძისას დაოქკრინი, და ორი წვეილი ტკამუხუჯდ ჩასაცმელნი დიბისა, დიკუბუნნი 650 მანეთისა.

ამისთანავე გთხოვ, ვოკელ მართლ-მადიდებელთ ქრისტიანეთ და ეკკლესიის მოსამსახურეთ, შემწეობა აღმოუჩინონ ზემოსხენებულს ანანურას სობოროს განსრულებისათვის ფულათ, ვისაც რა სურდესთ, რომლის ხარჯთა აღრიცხვა შედგენილია ანსიტექტორისაგან და საქმე დაწეობილია, ხოლო ფული ანა აქვს საკმა-რისი.

ჩემი ადრესი: სტანდია ანანურა.

წვეგო ანანურის სობოროს განსრულების კომიტეტის მღვდელი კირილე მამისოვი.



# ლაშქვევი საზოგადოება

## „ნიკორი“

(ღ უ შ ა)

უმაღლესად დამტკიცებული 1872 წელს.

რომელსაც ძირითადი თანხა 2,500,000 მან. აქვს გარდა სათადარიგო ფულისა.

### დაწვება სახლისაგან,

მიიღება ყოველნაირი მოძრავისა და უძრავის ქონების დაზღვევა ცეცხლისაგან აგრეთვე ზღვით-მდინარით და ხმელეთით წასალ-წამოსალების საქონლისა.

### დაზღვევა სიცოცხლისა.

ამით აცხადებს, რომ მის მიერ მიღება დაზღვევა სიცოცხლისა განსაკუთრებითი სასარგებლო პირობებით იმ შემთხვევისათვის, როცა შრომა აღარ შეეძლებათ.

მაგალითი: მამა, 30 წლისა, დაბადებულგან აზღვევებს შვილის სასარგებლოდ თანხას 10,000 მან., იმ პირობით, რომ ეს ფული 21 წლის შემდეგ გადაიხადოს. ყოველ ოთხის თვის შემდეგ ამ დაზღვევისათვის ის იხდის 154 მან. იმ შემთხვევაში კი, თუ მამა ადრე მოკვდება, თუნდ დაზღვევის პირველ წელშივე, დანაჩენ ზესჯან ფულის გარდახდა შეწყნებულ იქნება, ყმაწვილს 20 წლის განმავლობაში მიეცემა წლიურად 500 მ. და დანიშნულ ვადის გასვლის შემდეგ-კი თვით დაზღვეული თანხაც—10,000 მ.

წერილობითი განცხადებანი დაზღვევისა მიიღებ-ბიან და ყოველგვარ საჭირო ცნობათა შეტყობა შეიძლება მოსკოვი არსებულს მმართველობაში, კავკასის ოლქის სამმართველოში ტფილისში (ველიამინოვის ქუჩაზედ № 2) და იმპერიის ყველა ქალაქების სააგენტოებში.

საზოგადოებისათვის საადგილოდ დაზღვევა შეიძლება კუკიაშიაც, სასამართლოს მე-3 განყოფილების გვერდით, სახლი ალექსანდრისა, თეოდორე ალექსანდრის ძის ივანოვის სადგომში.

6

მიიღება ხელის-მოწერა 1895 წლისათვის ორ კვირულ ვამოცემათა მართულს

## „მწუმს“-ზე

რუსულ «П А С Т Ы Р Ь»-ზე

ფასი ქურნალისა: 12 თვით «მწუმსი» 5 მ. 6 თვით «მწუმსი» 3 მ. — ,, ორივე გამოცემა 4 ,, — ,, ორივე გამოცემა 4 ,, — ,, რუსული ,, 3 მ. — ,, რუსული ,, 2 მ. სოფლის მასწავლებელთ და ღარიბთ გაზრდები და ეთმო-ბათ მთელის წლით სამ მ ა ნ ე თ ა დ.

რედაქციას აქვს კანტორები: ქუთაისში ხანანაშვილების სახლებში და ვეარაღაში რედაქტორის საკუთარ სახლებში.

მაზეთზე ხელის-მოწერა შეიძლება როგორც ვეარაღაში, აგრეთვე ქუთაისშიაც.

ზარემ მცხოვრებთა ქურნალის დაბარება შეუძლიათ ამ აღრესით: Вь Квирилы, вь редакцію газеты и журнала „МЦКЕМСИ“ и «ПАСТЫРЬ».

### ი ს უ ი ლ მ ა ბ ა

ქანცელარის ნივთების მაღაზიაში

ი. მურაღოვის—ქუთაისში

უოველგვარი რვეულები

პირველი ღირსების ასი ცალი ღირს 3 მან.

მეორე „ „ „ „ 2 მან.

აგრეთვე სხვა და სხვა ამ გვარი ნივთები ისყიდებიან ფრიად იაფად.

შ ი ნ ბ ა რ ს ი. თბილისის თავად-აზნაურთა საბანკო კრების გამო.—საყურადღებოთ.—შენიშვნა.—ათვისტი და ლოცვების მნიშვნელობა.—საისტორიო მასალა.—ანანურის ტაძარი.—გიორგი მთაწმინდელის ცხოვრების აღწერილობა.—საეჭვო კათხვების განმარტება.

შეწარულება. განცხადება.